

Powšitkowne WOZJEWJENJA

njedźelu, 24. měrca 2013

Přiležnosć k swjatej spowědži w Róžeńće

póndźelu, 25. měrca 18.30 – 19.30 hodź.	farar M. Anders, farar P. Kral, farar D. Dzikiewicz, farar B. Jakubaš
wutoru, 26. měrca 18.30 – 19.30 hodź.	farar G. Wornar, farar M. Anders, farar M. Ulrich, farar S. Foelz

Křižowy puć młodžiny

Dekanatna młodžina modli so křižowy puć – ze swjatym křižom z Kukowskeho hrodzišća po wsy kročo – bołmončku, njedźelu, 24. měrca, w 14 hodź. w Chróšćicach. Wšitcy młodostni su wutrobnje přeprošeni sobu kročić a so modlić.

Chróšćanska młodžina ponjese swjaty křiž z Kukowskeho hrodzišća na swjateho Marka, srjedu, 25. apryla, w procesionje do Pančic-Kukowa. Z klósterskeje cyrkwy chce jón dekanatna młodžina srjedu, 1. meje, wróćo na Kukowske hrodzišće přewodžeć.

Póstny wopor młodžiny

Póstny wopor młodžiny zběra so lětsa za jednu pěstowarnju w Brazilskej. Tutu pěstowarnju wopytaja někotři młodostni z našeho biskopstwa w zwisku ze swětowym zetkanjom młodžiny. Nadrobniše informacije su we wuwěšku we wosadach podate. Wobalki za póstny wopor leža w cyrkwjach.

Serbski pasion po swjatym Janu zaklinči w Róžeńće

Bołmončku, njedźelu, 24. měrca, zaklinči w Róžeńčanskej swjatnicy w 17 hodź. duchowna hudźba. Projektowy chór młodych serbskich spěwarkow a spěwarjow pod nawodom Tomaša Kole zanjese serbski pasion po swjatym Janu. Twórba staj Tomaš a jeho bratr Clemens Kola skomponowałoj. Zastup je darmotny, prosy pak so wo pjenježny dar. – Wulki pjatk, 29. měrca, w 15 hodź. budže so pasion hišće raz w cyrkwi swjateho Měrcina we Weinböhle spěwać.

„Štó sym? – Ja sym ja!“ – dnjej za 5. a 6. lětnik

Pod hesłom „Štó sym? – Ja sym ja!“ přeprošuje Dekanatne dušepastyrstwo džěci 5. a 6. lětnika w jutrownych prózdninach na zhromadnej dnjej do Don Boskoweho domu we Worklecach, a to wot srjedy, 3. apryla, w 10 hodź. hač do štwórtka, 4. apryla, w 16 hodź. Zajimcy njech so prošu pod telefonowym čisłom (03 57 96) 8 87 07 hač do póndźele, 25. měrca, we Worklecach přizjewja.

Emmauske pućowanje

Wšitcy serbscy młodostni su tež lětsa na Emmauske pućowanje přeprošeni – a to jutrowny štwórtk, 4. apryla, do Dubrjenka. Pućowanje zahaji so we 18 hodź. we wjesnej kapalce.

Putniskej jězbje do Heiligenstadta a Korutanskeje

Lětušej putniskej jězbje z Tereziju Kubašec powjedzetej putnikow do Eichsfelda a Korutanskeje. Přnja budže wot póndžele do srjedy, 3. do 5. junija, přenocowanje je w Heiligenstadće planowane. W nazymskich prózdninach je tydženska putniska jězba do Tinje w Korutanskej předwidžana, a to wot soboty do soboty, 19. do 26. oktobra. Dalše informacije poda a přizjewjenja přijimuje Terezija Kubašec w Radworju, telefonowe čisło (03 59 35) 2 04 25.

Zamyslenje we wopomnišću

Na „Wulkopjatkowne zamyslenje“ přepróšuje Dom biskopa Bena pjatk, 29. měrca, w 10 hodź. do Budyskeho wopomnišća na Weigangowej. Spominać budže so na horjo woporow diktaturow 20. lětstotka.

Zamyslenje z hudźbu

Na hudźbne zamyslenje w rjedže Smochčanskeho jewišća přepróšuje Dom biskopa Bena wulki pjatk, 29. měrca, w 19.30 hodź. Mjez druhim zaklinči „Stabat mater“ Giovannija Felice Sancesa. Wječor wuhotuje ansambl „Chordophone“ z Budyšina.

Zamyslenje z filmami

Pod temu „Čas – wčera, dzensa, jutře, wěčnje ...“ přepróšuje Dom biskopa Bena w Smochćicach wot pjatka do njedžele, 5. do 7. apryla, na dny zamyslenja z filmami. Dalše informacije dóstanu zajimcy pod telefonowym čislom (03 59 35) 2 20.